

如是當速疾 得於菩提道

尔時世尊說此經時六萬天人得不退於阿
耨多羅三藐三菩提十八那由他天人未發
心者令發菩提之心聞此經故除捨八十劫
生死之罪是故若欲不捨菩提者當受持此
經讀誦通利善思念之勤於方便忍受歡喜

奉行爾時衆中十千菩薩欲退菩提心生於
疑悔欲還歸家不知障及魔業過聞說此經
捨除罪過於世尊前生少信心於此世界當
與彌勒菩薩一時成佛淨除二十劫魔業不
起此坐住一生補處當生他方世界彌勒成
佛時當一時成佛彼除二十劫魔業及煩惱
故若菩薩但聞此經尚能多作利益況受持

讀誦顯說佛說此經已天人阿脩羅歡喜奉行

大寶積經卷第十六

十一

師六

廢稽福本上音發下音意是發啓字

大寶積經卷第十七

大唐三藏法師菩提流志奉 詔譯

師七

無量壽如來會第五之一

如是我聞一時佛住王舍城耆闍崛山中與
大比丘衆萬二千人俱皆是諸大聲聞衆所
知識其名曰尊者阿若憍陳如馬勝大名有

院刊

賢無垢須跋陀羅善稱圓滿橋梵鉢提優樓
頻蜜迦葉那提迦葉伽耶迦葉摩訶迦葉舍
利弗大目犍連摩訶迦旃延摩訶劫賓那摩
訶注那滿慈子阿尼樓駄離波多上首王住
彼岸摩俱羅難陀有光善來羅睺羅阿難陀
等而爲上首復有菩薩摩訶薩衆所謂普賢
菩薩文殊師利菩薩彌勒菩薩及賢劫中諸
菩薩摩訶薩衆前後圍遙又與賢護等十六
丈夫衆俱所謂善思惟義菩薩慧辯才菩薩
觀無住菩薩善華神通菩薩光幢菩薩智上
菩薩寂根菩薩慧願菩薩香象菩薩寶幢菩
薩等而爲上首咸共遵修普賢之道滿足菩

薩一切行願安住一切功德法中到諸佛法究竟彼岸願於一切世界之中成等正覺又願生彼兜率陀天於彼壽終降生右脅見行七步放大光明普佛世界六種震動而自唱言我於一切世間最爲尊貴釋梵諸天咸來親奉又現習學書計磨數聲明技巧醫方養生符印及餘博戲擅美過人身處王宮厭諸欲境見老病死悟世非常捐捨國位踰城學道解諸纏絡及迦尸迦被服袈裟六年苦行能於五濁刹中作斯示現順世間故洛尼連河行趣道場龍王迎讚諸菩薩衆右邊稱揚菩薩爾時受草自敷菩提樹下結跏趺坐又現魔衆合圍將加危害菩薩以定慧力降伏魔怨成無上覺梵王勸請轉於法輪勇猛無畏佛音震吼擊法鼓吹法螺建大法幢然正法炬攝受正法及諸禪定雨大法雨澤潤含生震大法雷開悟一切諸佛刹土普照大光世界之中地皆震動魔宮摧毀驚怖波旬破

煩惱賊黨諸見網遠離黑法生諸白法於信施食能受能消爲調衆生宣揚妙理或現微笑放百千光昇灌頂階受菩提記或成佛道現入涅槃使無量有情皆得漏盡成熟菩薩無邊善根如是諸佛刹中皆能示現譬如幻師善知幻術而能示現男女等相於彼相中

師七

二

實無可得如是如是諸菩薩等善學無邊幻術功德故能示現變化相應能善了知變化之道故示諸佛土現大慈悲一切群生普皆饒益菩薩願行成就無疆無量義門通達平等一切善法具足修成諸佛刹中平等趣入常爲諸佛勸進加威一切如來識知印可爲教菩薩作阿闍梨常習相應無邊諸行通達一切法界所行能善了知有情及土亦常發趣供諸如來現種種身猶如影像善學因陀羅網能破魔網壞諸見網入有情網能超煩惱眷屬及魔侶魔人遠出聲聞辟支佛地入空無相無願法門而能安住方便善巧初不

樂入二乘涅槃得無生無滅諸三摩地及得
一切陀羅尼門廣大諸根辯才決定於菩薩
藏法善能了知佛華三昧隨時悟入具一切
種甚深禪定一切諸佛皆悉現前於一念中
遍遊佛土周旋往返不異其時於難非難邊
能了諸邊敷演實際差別善知得佛辯才住

普賢行善能分別衆生語言超過世間一切
之法善知一切出世間法得資具自在波羅
蜜多荷擔有情爲不請友能持一切如來法
藏安住不斷一切佛種哀愍有情能開法眼
閉諸惡趣開善趣門普觀有情能作父母兄
弟之想又觀衆生如己身想證得一切讚歎

師七

三

功德波羅蜜多能善了知讚歎如來一切功
德及餘稱讚諸功德法如是菩薩摩訶薩衆
無量無邊皆來集會爾時尊者阿難從座而
起整理衣服偏袒右肩右膝著地合掌向佛
白言大德世尊身色諸根悉皆清淨威光赫
奕如融金聚又如明鏡凝照光輝從昔已來

初未曾見喜得瞻仰生希有心世尊今者入
大寂定行如來行皆悉圓滿善能建立大丈
夫行思惟去來現在諸佛世尊何故住斯念
耶尔時佛告阿難汝今云何能知此義爲有
諸天來告汝耶爲以見我及自知耶阿難白
佛言世尊我見如來光瑞希有故發斯念非
因天等佛告阿難善哉善哉汝今快問善能
觀察微妙辯才能問如來如是之義汝爲一
切如來應正等覺及安住大悲利益群生如
優曇華希有大士出現世間故問斯義又爲
哀愍利樂諸衆生故能問如來如是之義阿
難如來應正等覺善能開示無量知見何以
故如來知見無有障礙阿難如來應正等覺
欲樂住世能於念頃住無量無數百千億那
由他劫若復增過如上數量而如來身及以
諸根無有增減何以故如來得三昧自在到
於彼岸於一切法最勝自在是故阿難聽聞
善思念之吾當爲汝分別解說阿難白佛言

唯然世尊願樂欲聞。尔時佛告阿難。往昔過阿僧祇無數大劫。有佛出現號曰然燈。於彼佛前極過數量有苦行佛出興于世。苦行佛前復有如來號爲月面月面佛。前過於數量有旃檀香佛。於彼佛前有蘇迷盧積佛。盧積佛前復有妙高劫佛。如是展轉有離垢面佛。

不染汙佛。龍天佛山聲王佛。蘇迷盧積佛。金

藏佛。照曜光佛。光帝佛。大地種性佛。光明熾盛琉璃金光佛。月像佛。開敷華莊嚴光佛。妙海勝覺遊戲神通佛。金剛光佛。大阿伽陀香光佛。捨離煩惱心佛。寶增長佛。勇猛積佛。勝積佛。持大功德法施神通佛。映蔽日月光佛。

師七四

照曜琉璃佛。心覺華佛。月光佛。日光佛。華纓絡色王。開敷神通佛。水月光佛。破無明暗佛。真珠珊瑚蓋佛。底沙佛。勝華佛法慧吼佛。有師子吼鵝鴈聲佛。梵音龍吼佛。如是等佛。出現於世。相去劫數皆過數量。彼龍吼佛未出世。前無央數劫。有世主佛。世主佛前無邊劫。

數有佛出世。號世間自在王。如來應正等覺。明行圓滿善逝。世間解無上丈夫。調御士天人師佛。世尊阿難。彼佛法中有一比丘。名曰法處。有殊勝行願及念慧力。增上其心堅固。不動福智。殊勝人相端嚴。阿難。彼法處比丘。往詣世間。自在王如來所偏袒右肩頂禮佛。

足向佛合掌以偈讚曰

如來無量無邊光。舉世無光可能喻。
一切日月摩尼寶。佛之光威皆映蔽。
世尊能演一音聲。有情各各隨類解。
又能現一妙色身。普使衆生隨類見。
戒定慧進及多聞。一切有情無與等。

心流覺慧如大海。善能了知甚深法。
惑盡過云應受供。如是聖德唯世尊。
佛有殊勝大威光。普照十方無量刹。
我今稱讚諸功德。普照十方無量刹。
能救一切諸世間。異希福慧等如來。

師七

生老病死衆苦惱。普照十方無量刹。
演說施戒諸法門。普照十方無量刹。

五

忍辱精勤及定慧
爲求無上大菩提
百千俱胝那由他
又願當獲大神光
及以無邊勝進力
如是無等佛利中
安處群生當利益

十方最勝之大士
唯佛聖智能證知
縱沉無間諸地獄
一切世間無礙智
復次阿難法處比丘讚佛德已白言世尊我今發阿耨多羅三藐三菩提心惟願如來爲我演說如是等法令於世間得無等等成大菩提具攝清淨莊嚴佛土佛告比丘汝應自攝清淨佛國法處白佛言世尊我無威力堪能攝受惟願如來說餘佛土清淨莊嚴我等聞已誓當圓滿余時世尊爲其廣說二十一億清淨佛土具足莊嚴說是法時經于億歲

阿難法處比丘於彼二十一億諸佛土中所
有嚴淨之事悉皆攝受既攝受已滿足五劫
思惟修習阿難白佛言世尊彼世間自在王
如來壽量幾何世尊告曰彼佛壽量滿四十
劫阿難彼二十一俱胝佛刹法處比丘所攝
佛國超過於彼旣攝受已往詣世間自在王
如來所頂禮雙足右達七帀却住一面白言
世尊我已攝受具足功德嚴淨佛土佛言今
正是時汝應具說令衆歡喜亦令大衆皆當
攝受圓滿佛土法處白言惟願世尊大慈留
聽我今將說殊勝之願若我證得無上菩提
國中有地獄餓鬼畜生趣者我終不取無上
正覺若我成佛國中衆生有墮三惡趣者我
終不取正覺若我成佛國中有情若不皆同
真金色者不取正覺若我成佛國中有情形
貌差別有好醜者不取正覺若我成佛國中
有情不得宿念下至不知億那由他百千劫
事者不取正覺若我成佛國中有情若無天

眼乃至不見億那由他百千佛國土者不取正覺若我正覺若我成佛國中有情不獲天耳乃至不聞億那由他百千踰繕那外佛說法者不取正覺若我成佛國中有情無他心智乃至不知億那由他百千佛國土中有情心行者不取正覺若我成佛國中有情不獲神通自在

波羅蜜多於一念須不能超過億那由他百千佛刹者不取正覺若我成佛國中有情起於少分我我所想者不取菩提若我成佛國中有情若不決定成等正覺證大涅槃者不取菩提若我成佛光明有限下至不照億那由他百千及筭數佛刹者不取菩提若我成佛壽量有限乃至俱胝那由他百千及筭數劫者不取菩提若我成佛國中聲聞無有知其數者假使三千大千世界滿中有情及諸緣覺於百千歲盡其智筭亦不能知若有知者不取正覺若我成佛國中有情壽量有限齊者不取菩提唯除願力而受生者若我成

佛國中衆生若有不善名者不取正覺若我成佛彼無量刹中無數諸佛不共咨嗟稱歎我國者不取正覺若我證得無上覺時餘佛刹中諸有情類聞我名已所有善根心心迴向願生我國乃至十念若不生者不取菩提唯除造無間惡業誅謗正法以諸聖人若我

師七

七

成佛於他刹土有諸衆生發菩提心及於我所起清淨念復以善根迴向願生極樂彼人臨命終時我與諸比丘衆現其人前若不爾者不取正覺若我成佛無量國中所有衆生聞說我名以己善根迴向極樂若不生者不取菩提若我成佛國中菩薩皆不成就三十

二相者不取菩提若我成佛於彼國中所有菩薩於大菩提咸悉位階一生補處唯除大願諸菩薩等爲諸衆生被精進甲勤行利益修大涅槃遍諸佛國行菩薩行供養一切諸佛如來安立恒沙衆生住無上覺所修諸行復勝於前行普賢道而得出離若不爾者不

取菩提若我成佛國中菩薩每於晨朝供養他方乃至無量億那由他百千諸佛以佛威力即以食前還到本國若不爾者不取菩提若我成佛於彼刹中諸菩薩衆所須種種供具於諸佛所植諸善根如是色類不圓滿者不取菩提若我當成佛時國中菩薩說諸法

要不善順入一切智者不取菩提若我成佛彼國所生諸菩薩等若無那羅延堅固力者不取正覺若我成佛周遍國中諸莊嚴具無有衆生能揔演說乃至有天眼者不能了知所有雜類形色光相若有能知及揔宣說者不取菩提若我成佛國中具有無量色樹高百千由旬諸菩薩中有善根劣者若不能了知不取正覺若我成佛國中衆生讀誦經典教授敷演若不獲得勝辯才者不取菩提若我成佛國中菩薩有不成就無邊辯才者不取菩提若我成佛國土光淨遍無與等徹照無量無數不可思議諸佛世界如明鏡中現

其面像若不爾者不取菩提若我成佛國界之內地及虛空有無量種香復有百千億那由他數衆寶香爐香氣普熏遍虛空界其香殊勝超過人天珍奉如來及菩薩衆若不爾者不取菩提若我成佛周遍十方無量無數不可思議無等界衆生之輩蒙佛威光所照

師七

八

觸者身心安樂超過人天若不爾者不取正覺若我成佛無量不可思議無等界諸佛刹中菩薩之輩聞我名已若不證得離生獲陀羅尼者不取正覺若我成佛周遍無數不可思議無有等量諸佛國中所有女人聞我名已得清淨信發菩提心厭患女身苦於來世不捨女人身者不取菩提若我成佛無量無數不可思議無等佛刹菩薩之衆聞我名已得離生法若不修行殊勝梵行乃至到於大菩提者不取正覺若我成佛周遍十方無有等量諸佛刹中所有菩薩聞我名已五體投地以清淨心修菩薩行若諸天人不禮敬者

不取正覺若我成佛國中衆生所須衣服隨
念即至如佛命善來比丘法服自然在體若
不爾者不取菩提若我成佛諸衆生類纔生
我國中若不皆獲資具心淨安樂如得漏盡
諸比丘者不取菩提若我成佛國中群生隨
心欲見諸佛淨國殊勝莊嚴於寶樹間悉皆
出現猶如明鏡見其面像若不爾者不取菩
提若我成佛餘佛刹中所有衆生聞我名已
乃至菩提諸根有闢德用非廣者不取菩提
若我成佛餘佛刹中所有菩薩聞我名已若
不皆善分別勝三摩地名字語言菩薩住彼
三摩地中於一剎那言說之頃不能供養無

第七

大

量無數不可思議無等諸佛又不現證六三
摩地者不取正覺若我成佛餘佛土中有諸
菩薩聞我名已壽終之後若不得生豪貴家
者不取正覺若我成佛餘佛刹中所有菩薩
聞我名已若不應時修菩薩行清淨歡喜得
平等住其諸善根者不取正覺若我成佛他

方菩薩聞我名已皆得平等三摩地門住是
定中常供無量無等諸佛乃至菩提終不退
轉若不爾者不取正覺若我成佛國中菩薩
隨其志願所欲聞法自然得聞若不爾者不
取正覺若我證得無上菩提餘佛刹中所有
菩薩聞我名已於阿耨多羅三藐三菩提有
退轉者不取正覺若我成佛餘佛國中所有
菩薩若聞我名應時不獲一二三忍於諸佛
法不能現證不退轉者不取菩提爾時佛告
阿難彼法處比丘於世間自在王如來前發
此願已承佛威神而說頌曰

今對如來發弘誓 當證無上菩提日

若不滿足諸上願 不取十力無等尊
心或不堪常行施 廣濟貧窮免諸苦
利益世間使安樂 不成救世之法王
我證菩提坐道場 名聞不遍十方界
無量無邊異佛刹 不取十力世中尊
方趣無上大菩提 出家爲求於欲境

於彼念慧行無有
願獲如來無量光
能滅一切貪恚癡
願得光開淨慧眼
除滅諸難使無餘
修習本行已清淨

不作調御天人師
普照十方諸佛土
亦斷世間諸惡趣
於諸有中破冥暗
安處天人大威者
獲得無量勝感光

日月諸天摩尼火
最勝丈夫修行已
圓滿善法無等倫
徃昔供養自然智
爲求最勝諸慧蘊
如來知見無所礙
願我當成無與等
我若當證大菩提
願動三千大千界
是時大地感震動
并兩旃檀細末香
佛告阿難彼法處比丘

所有光暉皆映蔽
於彼貧窮爲伏藏
於大衆中師子吼
多劫勤修諸苦行
滿足本願天人尊
一切有爲皆能了
最勝智者真導師
如斯弘誓實圓滿
天衆空中皆兩華
天華鼓樂滿虛空
唱言未來當作佛
於世間自在王如來

及諸天人魔梵沙門婆羅門等前廣發如是
大弘誓願皆已成就世間希有發是願已如
實安住種種功德具足莊嚴威德廣大清淨
佛土修習如是菩薩行時經於無量無數不
可思議無有等等億那由他百千劫內初未
曾起貪嗔及癡欲害恚想不起色聲香味觸
想於諸衆生常樂愛敬猶如親屬其性溫和
易可同處有來求者不逆其意善言勸諭無
不從心資養所須取支身命少欲知足常樂
虛開稟識聰明而無矯妄其性調順無有暴
惡於諸有情常懷慈忍心不詐譖亦無懈怠
善言策進求諸白法普爲群生勇猛無退利
益世間大願圓滿奉事師長敬佛法僧於菩
薩行常被甲冑志樂寂靜離諸染著爲令衆
生常修白法於善法中而爲上首住空無相
無願無作無生不起不滅無有脣慢而彼正
士行菩薩道時常護語言不以語言害他及
己常以語業利己及人若入王城及諸村落

雖見諸色心無所染以清淨心不愛不恚菩薩尔時於檀波羅蜜起自行已又能令他行於惠施於尸波羅蜜乃至般若波羅蜜起前二行皆悉圓滿由成如是諸善根故所生之處有無量億那由他百千伏藏自然涌出復令無量無數不可思議無等無邊諸衆生類安住阿耨多羅三藐三菩提如是無邊諸菩薩衆起諸妙行供養奉事諸佛世尊乃至成佛皆不可以語言分別之所能知或作輪王帝釋蘇燄摩天兜率陀天善化天他化自在天大梵天王皆能奉事供養諸佛及能請佛轉於法輪若作閻浮提王及諸長者宰官婆羅門刹帝利等諸種姓中皆能尊重供養諸佛又能演說無量法門從此永棄世間成無上覺然彼菩薩能以上妙衣服卧具飲食醫藥盡形供養一切如來得安樂住如是種種圓滿善根非以語言能盡邊際口中常出旃檀妙香其香普熏無量無數乃至億那由他

百千世界復從一切毛孔出過人天優鉢羅華上妙香氣隨所生處相好端嚴殊勝圓滿又得諸資具自在波羅蜜多一切服用周遍無之所謂諸寶香華幢幡繒蓋上妙衣服飲食湯藥及諸伏藏珍玩所須皆從菩薩掌中自然流出身諸毛孔流出一切人天音樂由是因緣能令無量無數不可思議諸衆生等安住阿耨多羅三藐三菩提阿難我今已說法處菩薩本所修行爾時阿難白佛言世尊彼法處菩薩成菩提者爲過去耶爲未來耶爲今現在他方世界耶佛告阿難西方去此十萬億佛刹彼有世界名曰極樂法處比丘在彼成佛號無量壽今現在說法無量菩薩及聲聞衆恭敬圍遶阿難彼佛光明普照佛刹無量無數不可思議我今略說光照東方如恒河沙等國土南西北方四維上下亦復如是唯除諸佛本願威神所加悉皆照燭是諸佛光或有加一尋者或有加一由旬乃至

億那由他百千由旬光者或普照佛刹者阿難以是義故無量壽佛復有異名謂無量光無邊光無著光無礙光光照王端嚴光愛光喜光可觀光不思議光無等光不可稱量光明映蔽日光映蔽月光掩奪日月光彼之光明清淨廣大普令衆生身心悅樂復令一切餘

佛刹中天龍夜叉阿脩羅等皆得歡悅阿難我今開示彼佛光明滿足一劫說不能盡復次阿難彼無量壽如來諸聲聞衆不可稱量知其邊際假使比丘滿億那由他百千數量皆如大目犍連神通自在於晨朝時周歷大千世界須臾之頃還至本處彼經億那由他百千歲數欲供計筭無量壽佛初會之中諸聲聞衆盡其神力乃至滅度於百分中不知其一於千分百千分乃至邬波尼殺曇分中亦不知其一阿難譬如大海深八萬四千由旬以目極觀不知邊際若有丈夫析一毛端爲五十分以其一分於大海中霑取一滴阿

難彼之水滴比於大海何者爲多阿難白言假使取千由旬水猶以爲少況以毛端一分而可方之佛告阿難假使比丘滿億那由他百千數量譬如大目犍連經百千億那由他歲皆共筭數彼無量壽如來初會聲聞所知數量如彼毛端一滴之水餘不測者猶如大

師十
十三

海諸菩薩摩訶薩衆亦復如是非以筭計之所能知阿難彼佛壽命無量無邊不可知其劫數多少聲聞菩薩及諸天人壽量亦尔阿難白佛言世尊彼佛出世于今幾時能得如是無量壽命佛告阿難彼佛受生經今十劫復次阿難彼極樂界無量功德具足莊嚴國土豐稔天人熾盛志意和適常得安隱無有地獄畜生及琰魔王界有種種香周遍芬馥種種妙華亦皆充滿有七寶幢周布行列其寶幢上懸諸幡蓋及衆寶鈴具足百千諸妙雜色阿難彼如來國多諸寶樹或純黃金白銀琉璃頗梨赤珠碼碯玉樹唯一寶成不雜

餘寶或以二寶乃至七寶莊嚴阿難彼金爲樹者以金爲根莖白銀爲葉及以華果面白銀之樹銀爲根莖黃金爲葉及以華果碼瑙之樹碼瑙根莖美玉爲葉及以華果美玉樹者玉爲根莖七寶爲葉及諸華果或有金樹黃金爲根白銀爲莖琉璃爲枝頗梨爲條赤珠

爲葉碼瑙爲華美玉爲果或有銀樹以銀爲根黃金爲莖餘枝果等飾同金樹琉璃樹者琉璃爲根黃金爲莖白銀爲枝玻璃爲條赤珠爲葉碼瑙爲華美玉爲果玻璃真珠碼瑙等樹諸寶轉飾皆若琉璃復有玉樹玉爲其根黃金爲莖白銀爲枝琉璃爲條玻璃爲葉赤珠爲華碼瑙爲果復有無量摩尼珠等寶莊嚴樹周遍其國是諸寶樹光輝赫奕世無能比以七寶羅網而覆其上其網柔軟如塊羅綿復次阿難無量壽佛有菩提樹高十六億由旬枝葉垂布八億由旬樹本隆起高五千由旬周圓亦余其條葉華果常有無量百

千種種妙色及諸珍寶殊勝莊嚴謂月光摩尼寶釋迦毗楞伽寶心王摩尼寶海乘流注摩尼寶光暉遍照超過人天於其樹上有諸金鎖垂寶纓絡周遍莊嚴謂盧遮迦寶末瑳寶及赤白青色真珠等寶以爲纓絡有師子雲聚寶等以爲其鎖飾諸寶柱又以純金真

十四末

珠雜寶鈴鐸以爲其網莊嚴寶鎖彌覆其上以玻璃万字半月寶等平相映飾微風吹動出種種聲令千世界諸衆生等隨樂差別於甚深法證無生忍阿難彼千世界諸有情等聞此音已住不退轉無上菩提及無量無數有情得無生法忍復次阿難若有衆生見菩提樹聞聲觀香嘗其果味觸其光影念樹功德由此因緣乃至涅槃五根無患心無散亂皆於阿耨多羅三藐三菩提得不退轉復由見彼菩提樹故獲三種忍何等爲三一者隨聲忍二者隨順忍三者無生法忍此皆無量壽佛本願威神見所加及徃修靜慮無比喻

故無缺減故善修習故善攝受故善成就故

大寶積經卷第十七

師七

大寶積經卷第十八

師八

大唐三藏法師菩提流志奉詔譯

無量壽會第五之二

復次阿難彼極樂界無諸黑山鐵圍山大鐵
圍山妙高山等阿難白佛言世尊其四天王
天三十三天既無諸山依何而住佛告阿難
一
釋大開示於汝意云何妙高已上有夜摩天乃至他化
自在天及色界諸天等依何而住阿難白佛
言世尊不可思議業力所致佛語阿難不思
議業汝可知耶答言不也佛告阿難諸佛及
衆生善根業力汝可知耶答言不也世尊我
今於此法中實無所惑爲破未來疑網故發

斯問佛告阿難彼極樂界其地無海而有諸
河河之狹者滿十由旬水之淺者十二由旬
如是諸河深廣之量或二十三十乃至百數
或有極深廣者至千由旬其水清冷具八功
德濬流恒激出微妙音譬如諸天百千妓樂
安樂世界其聲普聞有諸名華流而下和
風微動出種種香居兩岸邊多栴檀樹脩條
密葉交覆於河結實開華芳輝可玩群生遊
樂隨意往來或有涉河濯流嬉戲感諸天水
善順物宜深淺寒溫曲從人好阿難大河之
下地布金沙有諸天香世無能喻隨風散馥
雜水流芬天曼陀羅華優鉢羅華波頭摩華
拘勿頭華芬陀利華彌覆其上復次阿難彼
國人衆或時遊覽同萃河濱有不願聞激流
之響雖獲天耳終竟不聞或有願聞即時領
悟百千萬種喜愛之聲所謂佛法僧聲止息
之聲無性聲波羅蜜聲十力四無所畏聲神
通聲無作聲無生無滅聲寂靜聲邊寂靜聲